

四庫全書

集部

欽定四庫全書

容春堂後集卷十二

明 邵寶 撰

七言律

一百三十首

白石草堂奉次涯翁先生 二首

涯翁先生為林鎮江廷元題白石草堂詩跋  
有將至江南二泉見之其龍點馬之語輒用  
韻以歸廷元  
情見乎辭

北望長安近日邊  
春風函丈憶當年  
新題歲月經綸外  
晚節乾坤杖几前  
詩卷有情多汲引  
門牆何日更延緣

朝來忽對林京口却道西堂別是天

草堂回首海雲邊舊路依稀幾隔年白石峯高幽興裏  
滄江水濶大方前聞來月榷頻乘夢老去雲巢再結緣  
領得涯翁新墨去文星長照斗南天

又用前韻寄林鎮江

詩興時來案牘邊故山風物自年年淥分一水橋南北  
青擁群峯屋後前明月半窻空有夢清風兩腋竟何緣  
祇應獨上金山寺吟倚滄江萬里天

雨坐用舊韻

簷溜聲間隱几邊  
去年多雨復今年  
林臯綠樹層城外  
江浦黃梅五月前  
夜榻長懸須雅客  
畫簾深下謝塵緣  
西山雲氣東山月  
他日容春亦此天

靜中寫懷用前韻

策杖山邊復水邊  
病餘翻喜得長年  
風光共逐初晴後  
春色還憐未雨前  
何處乾坤堪一嘯  
平生泉石本多緣  
閒來獨上西樓望  
古華峰高正倚天

寄崔工侍民瞻用前韻

郴州南望楚雲邊顏色長懷別我年嶺北春從梅折後

衡陽書在鴈歸前雪淹夜榻無佳興

已巳冬在東朝房

月照秋

槎有勝緣

乙丑秋在江西滕王閣

病起萊衣方再舞晚風吹雨過

梅天

荅朱雲厓何梅壑復用前韻

腹笥便便不姓邊暮年詩興似青年一春風雨題緘外  
萬古江山放筆前壑倚梅花真入畫雲生厓石自成緣

晚涼相過須乘興酒在清罇月在天

又荅林鎮江

麻姑山下石磯邊  
艤櫂逢君是此年  
落月夢長千里外  
歸雲心遠九峯前  
東曹吏牘忙中事  
南國詩筒病後緣  
公暇漫從江郭眺  
滄浪歌起白鷗天

壽涯翁老師用癸酉守歲韻

濯纓歌罷水無塵  
靜裏乾坤太古春  
藜杖有情隨興遠  
綵毫無象與時新  
星辰又值初生日  
山斗同瞻未老身

白髮門生江海上捧觴真羨在庭人

閒居用舊韻

短牆隔斷市橋塵地為容春早得春春雨却扶嘉樹老  
草堂方舞綵衣新經綸不入閒邊夢筆硯長隨病後身  
剛愛綠陰簾閣坐抱琴驚見扣門人

書院新成再用前韻

二首

小堂開向綠陰邊故老相過問往年水接少陵新檻外  
草生茂叔舊庭前山從西望城纔隔溪自東行路亦緣

微醉獨歌人莫訝春衣初試晚晴天

書策重繙架上塵兩年多負病中春手將筆試初知健  
心與盤銘幾見新方得養親真愛日未成報國敢輕身  
冉涇門巷深如許擊節高歌不和人

秋夜與東泉瀾庵坐月

病起尋詩此夜多隔簾月竹弄婆娑燈光相對知人否  
酒戒未開如夜何它日更期天淡蕩去年猶憶雨滂沱  
西風吹綻東籬菊須向花前一浩歌



病起山行

半年病足懶登山咫尺烟霞夢寐間再到欲題新歲月  
相逢爭識舊容顏流過亂石清泉靜飛盡浮雲翠壁間  
漫道坐來多渴思一茶還待老僧還

寒日懷卧雲上人用昌黎韻

病餘情緒還無賴久擬臨泉洗宿埃載酒定須三宿返  
送茶時復一僧來身從白日風時避眼到青山雪處迴  
為問西齋懸榻地荒雲和葉幾堆堆

甲戌正月三日山行次史敏甫

萬壑春姿一夜還  
畫船載酒共看山  
泉經古寺自雙澗  
亭倚危峯還幾間  
真樂竟須同客醉  
浮生何必羨僧閒  
南巖更得和風早  
笑索梅花不作慳

徐用中寓松風閣詩以為問

舞雩何處問高壇  
松閣春風晚帶寒  
病起不須操几杖  
詩成剛在凭闌干  
榻緣徐孺初教下  
鑪為王郎試索看  
我欲坐君聽古調  
隔牆還有玉千竿

雨中漫成

陽春門外水田田野老歌聲遠近連  
雨應雪來曾計日月從星在故占天  
漫看東渚橫孤艇久擬南風振五絃  
更愛亭前新種竹一番沾灑一森然

寄許東廬

老去詩篇興若何一春城郭少經過  
陰憐綠樹風偏好濕怪黃梅雨太多  
靜力更憑閒打整狂心都逐病消磨  
勞君問訊無堪報微醉亭前獨放歌

微醉亭在容春精舍取康節詩意

荅桂子朴

南行將母底須悲浙水灘高恐到遲秋月春花皆我夢  
海風江雨此何時孟郊心苦吟遊子韓老情多賦別知  
儘把新懷對難弟玉峯回首思冥迷

聞李四順訃

百年家學有箕裘晚擢高科仕亦優北斗望中心鳳闕  
西山歸處首孤丘一封誥尚虛新墓萬卷書還滿舊樓  
最是渠南亭子在黃梅細雨不勝秋

次楊淡成

去年鴈早曾聞賦今賦還聞鴈晚來信入上林雲有路  
居空彭蠡水無咳獨看黃菊疑秦令未獵長楊媿漢才  
莫道喘牛非我問飯牛歌罷自生哀

贈邊伯山教授

看盡長安一日花還從八月返星槎儒官故冷師模重  
宦路雖迂國體華地接蘇湖風有自天空蓬閣海無涯  
棟梁榱桷皆時用歌向先生不是誇

送費鵝湖先生歸鉛山

歸興乘秋度玉山始知佳境在人間  
雲鴻影外江湖遠  
臯鶴聲中日月間  
秘閣文章天下手  
都門圖畫老臣顏  
感公相問無能荅  
病客江南正掩關

壽賈封君

上壽人膺太史封  
白頭林下慶遭逢  
清時恩典隆冠冕  
令子文章重鼎鐘  
鳩杖晚扶閒處立  
兕觥春映醉時容  
仁源不在南陽水  
莫問今生菊幾叢

正德甲戌秋賈翰  
長鳴和書來言其

尊甫封君壽九十請詩慶之封君予在許時所敬愛者  
詩之慶其能已諸時予病新起有詩而未克書越二年  
丙子秋七月望  
始克書以歸

屋舟為京口錢宗玉賦

風波懶逐世浮沈小閣憑虛敞素襟采藥每牽浮海夢  
乘槎聊遣濟川心水能載覆旁觀久天與周旋獨坐深  
聞道江南船似屋中冷何地覓帆陰

幽居四詠

涯翁老師近寄至園亭四詩正與幽  
居景物相合依韻寫意聊以自達他

日有便將  
呈馬請教

樹色

乍濃還淡弄朝暉  
樹色依稀定是非  
樓上望回川歷歷  
城陰遮斷路微微  
曉雲有影團傾蓋  
春水無波淥染衣  
獨坐懷人心正遠  
天空渭北鴈初歸

花香

花氣綢繆共煖風  
誰從起處問西東  
偶來似與游絲下  
却散還隨夢蝶空  
曲檻有時應獨駐  
幽居何地不相通  
等閒擬得涯翁句  
已落人間色相中



鳥聲

一鳥不鳴山可憐更憐鳴鳥過簷前友聲信有如鶯語  
喜報曾聞是鵲傳南國音成非別調北牕夢醒正閒眠  
近來習靜心初定獨把無聲寄五絃

鶴舞

誤向丹丘共羽流多情今得此亭幽長鳴似與高人語  
屢舞誰於醉客求風羽九遠能抗晚野心萬里欲橫秋  
試將衣袖閒招引轉盡花陰意未休

自和幽居四詠

昨和四詩以專詠物而畧於所見茲復用韻如左

晚晴無物不含暉  
此樹天將悅我非  
一碧故涵秋水淨  
半黃初著曉霜微  
吟隨望遠長憑几  
情憶陰多坐解衣  
莫道寂寥誰與共  
天風時引白雲歸

忽有幽香共午風  
小春庭院菊籬東  
一絲何處來應遠  
百和無端界本空  
漫道芝蘭隨物化  
真聞黍稷與神通  
麓堂地隔四千里  
三嘆餘情數紙中

綠樹春聲正自憐  
秋深幽鳥復庭前  
谷中音似聞人語

池上書應為客傳短調自須風靜聽多情誰起日高眠  
閒來漫擬成新曲長嘯臨流付一絃

饒州遣鶴剩風流小圃新開竹徑幽見影淺將於水監  
聞聲高欲自天求圖中恨識青田晚夢裏疑看赤壁秋  
莫向主人撩醉眼病餘如我且須休

寄吳憲使

瀛涇草堂清可憐幽期已在立秋前社中詩自無新什  
方外書應有別傳野曠正堪乘月步日高猶為避風眠

伯牙山水鍾期耳萬古知音不在絃

壽涯翁老師

甲戌有詩酒託黎判簿轉上  
秋九月始達故詩中首謝之

絃詩到已過弧辰十月書回墨尚新  
獨樂園成身未老  
靜觀心在物皆春  
千鈞筆試三盃酒  
數仞牆趨四海人  
古華山泉深更遠  
年年持此慶生申

壽吳憲使

憲使吳海洲開六十之燕某初勿藥  
未能往稱觴謹奉春酒一尊侑之以

詩

東藩回首興飄然  
須信吾儒有列仙  
湖海正當初返地

星辰還值始生年  
南山靜對陶潛菊  
春酒香分陸羽泉  
笑問丹丘何處是  
為君重賦遠遊篇

觀紅梅次玉林韻

予庭舊有梅一株故有觀梅之約客復以二株至遂以起

興

兩樹新從浙上來  
一株先向檻前開  
春回老幹經三月  
酒入酡顏定幾盃  
畫筆詞鋒爭勝負  
花情人意兩徘徊  
玉林高唱南沙和  
月上東山客始回

清興逢春似水來  
紅梅花下小筵開  
儘將顏色降詩律

獨引風情入酒盃積雪不知香逗遛落霞還與影徘徊  
海棠更有西軒在賞事真須第二回

雪中紅梅

紅入梅花淡更妍一株曾向麓堂前為春獨步還今日  
與雪相違又幾年素質已叅丹鼎客朱顏應作羽衣仙  
憑誰喚醒羅浮夢不信瑤池別有天

得莫如山浦文玉和章復用韻一首禁體物語  
初陽一點便成妍占斷容春小閣前犀浦有招須避地

海棠相見定忘年  
姿容漫倚雪邊客  
香影空傳海上仙  
寄語詩人休物色  
已知描畫不如天

送梅

吹殘玉笛有餘妍  
愁向東風問雨前  
共矢心情如白日  
長留顏色似青年  
看過春陌且從容  
食盡朝霞還訪仙  
何處江臯可遺珥  
羅浮回首海南天

再詠紅梅

梅禁太嚴  
濟之以寬猶琴  
之有汎聲也  
為知音者報

江頭兩株來越人  
却依舊樹爭鮮  
新竹松相與可偕  
老

桃杏不知應妬春特書方將補月令殊色乃復煩花神  
倚闌獨對東風語萬古清香真絕塵

送秦中丞國聲之湖南兼呈東山先生

中丞旌節自東來黃鶴樓高倚憲臺江漢朝宗千古地  
風霆鼓舞一時才洞庭水濶春初渡衡嶽雲深晚正開  
老矣東山煩問訊蒼生回首柰何哉

送華大叅文光

春寒且風深坐東堂玉林翁至  
特索梅心送行之作即請限韻

成二首兼  
簡劉提學



老鶴風清蜀道寒使君直節動朝端峨眉月小天非遠  
灔澦春深水正寬今雨客懷還對榻平生交誼自勝冠  
益州畫像聞猶在石本憑君一寄看

兵戈銷盡蜀江深甘雨和風使者臨寬得一分非小惠  
遠從三殿是佳音他年鳴鳳曾為瑞何處甘棠不作陰  
提學分司如我問古梅花下憶論心

雨坐

桃花水來花正飛鳴雨既過還烟霏道人多情自晚閣

童子好事空春衣  
溪上芳洲白鷗劇  
城邊野塘青草肥  
山園竹萌未盈尺  
有僕修籬秉耒歸

陳嘉言送雙鶴以詩遣之次韻為謝

病後身輕欲御風  
羽人誰遣過牆東  
乾坤有地雲隨馭  
日月多情鳥出籠  
詩社幾人時野服  
使君五馬古侯封  
天機動我鳴還舞  
更愛新巢在老松

餽筮於侯明府明府有詩用韻荅之

玉在山中敢自珍  
今君詩到便成春  
坡翁他日言何劇

石老此庵者已真

吾尚德書院乃九龍山人隱地山人畫竹妙今古人謂得之此中友石山

人別號也

巢鳳欲來先振羽  
攫龍方卧漸生鱗  
筠籠落落慙

為政只餽清饒不餽貧

以梅實櫻桃贈文玉文玉索詩用前餽筍韻

人有相知果有珍  
盤中朱綠眼中春  
休論金鼎調還未  
且道筠籠贈是真  
試熟漫漫憑犀浦  
鳥薦新兼侑錦江  
鱗無端生意詩囊在  
報盡瑤瑤正不貧

得乾筍法於文玉用前韻為謝

待聘多君久席珍等閒熏炙亦成春  
相知豈謂新時好不厭曾聞淡裏  
真煮石每教尋活火屠龍誰解斲  
生鱗庭前更有雙梅實古鼎無勞  
笑我貧

再答文玉用前韻

市橋櫻笋競相珍四月風光未盡  
春病欲自醫須此靜才難時用是  
吾真南山地近無叢桂滄海波深  
有一鱗

大玉號桂巖  
久屈禮部

數畝小園千挺竹野人家事不曾貧

三答文玉二首

十載曾藏萬古珍揮毫應待殿前春  
群龍變化知非幻二鳥遭逢恐未真  
獨夜坐醒雲鶴夢長風歌動石鯨鱗  
古人青眼如猶在肥馬寧教笑士貧

蕨芽未許殿山珍孤竹根回地底春  
歌葉千年風故好聞韶三月味應真  
滄江雷雨龍無種深谷霞烟玉有鱗  
漫詠杜詩還自笑數株桃樹濟誰貧

追輓莊定山

江浦莊生曾索其先大夫定山公輓詩於予因緘見素林公詩來蓋

於今十五年矣雨中無事檢而得之追感風誼用韻成章

尺疏曾聞奏玉皇上元燈火謝詞章百年不起燕臺馬  
萬古猶存魯廟羊劒委烟霞還嶽氣筆參星斗動江光  
長歌滴盡東堂雨祇缺青山一瓣香

次浦文玉夏日遣懷

午風清愛葛為袍銷盡爐薰政寂寥愁裏得詩如客到

詩到時子  
晝寢方起

夢中觀物笑僧驕

遠夢入古寺僧有以智永  
帖出觀者子曰於公書何

如僧曰顏顏  
子大笑而寤

三年病合投閒計十里遊辭避暑招

吳海洲屢

約出遊  
皆謝之

有曲和君還自己古琴踈越未堪調

待曙樓為俞司諫國昌賦次涯翁老師韻

高棟層軒帶宿霏明星耿耿見依稀  
天迴北斗還何指地向東方漸有暉  
寺下雲林僧未出城邊野水鳥初飛  
主人聽徹金門漏五鳳樓前候袞衣

熱中和杜自遣

時行風咳十人九而我欲逃還不能  
漫扣蘇鑿弄白石且誦歐賦憎蒼蠅  
萬里樓臺正隱隱三年几格何仍仍  
所思宛宛隔秋水墨汁飛來字字冰

次侯明府登濕雲亭

兩載憂民太瘦生，偶乘秋興試山晴。  
路過野寺雲初濕，人在危崖鶴共清。  
有石儘堪他日頌，此泉真與我心盟。  
大夫能事登高賦，莫訝天風起旆旌。

次侯明府九日遊惠泉

病不登高數負秋，却憐令尹此閒遊。  
清知流水山中出，遠見雲飛海上浮。  
僧具袈裟惟若供，客過方丈有詩留。  
祇應稼穡關心在，莫話忘機欲對鷗。



十四夜小酌

將圓未圓天上月似老非老人間人醉時歌調幾年復  
病起酒盃今夜新多情不啻共千里何地更堪容一塵  
明日南樓獨清詠風吹星漢欲粼粼

送戴仲鶚謫嶺南和侯明府

清江浦口馳詞地左順門前待報時遠道謫官何日到  
小臣憂國有天知鏡看白髮朝還掩權指青山晚更移  
老我間居復多病秋來愁和送君詩

秋日侯明府見過

病中三度見秋風  
車騎時時枉縣公  
野服豈堪迎上客  
清談真可慰深衷  
地從泰伯風流在  
人與中年惠愛同  
簾閣不知移日影  
薰爐茗盃有雙童

送趙立之應貢

君門北望政如天  
有志元從鼓篋年  
歲賦遠追三代典  
命題親御九重筵  
詩成行卷如携嶽  
酒盡離觴更酌泉  
莫向秋風逐車騎  
新春須上渡江船

西郊觀稼奉次涯翁先生

詔許明農值此年西郊垂稼正田田一時偶出遊還賦  
四海方詢食與眠溪水多魚供有饌野人皆酒饗無筵  
壽村風景誰堪擬韋杜同歸尺五天

謝侯明府遣醫視老母用壬申歲聞侍養命韻

偶於文檄見都俞多少憂懷為掃除父母歌傳千載上

用召杜事  
頌明府

君臣藥在一言餘三春寸草慈親德片紙千

金令尹書醫國有人吾豈敢祇從花徑導潘輿

丙子元日試筆

栽得野松蒼色多，隔牆綠竹亦猗猗。  
焚香掃地自我是，投刺到門如客何。  
亭上高登移晚岫，溪邊徐步起新波。  
去年今日曾題句，和者盈屏皆可歌。

十四日觀燈

前日方愁月負燈，夜來燈月興還增。  
橋通碧水灣灣路，街覆青松處處棚。  
海上不知蓬島隔，春來漫擬廣寒登。  
少年樂事今如夢，駐馬長安幾度曾。

十九日漫述用元夕韻東坐客

是日京師稱燕九吳文定嘗有

詩紀事

滿城風雨夜收燈草色堦前看漸增三載病軀纔入市  
一時詩興敢題棚遠門水可容舟泊負郭山須借屐登  
燕九有名何必問匏翁詩向薊門曾

春日寄玉林

春日題詩問玉林山中春色淺還深初鳴谷鳥乘風煖  
半吐巖花坐野陰畫舫壺觴遊客興竹鑪泉水老僧心

憑君為約新晴後繡嶺堂前共一吟

次韻荅如山

讀書曾共借東林竹上題詩歲月深  
千仞羽儀看晚霽幾番花信作春陰  
而今諸老多明眼自古良工獨苦心  
我有一盃非浪致為君先唱鹿鳴吟

沈方伯良臣雨中見訪以歸田數詩索和  
其一以荅之

歸計休論負郭田險途曾訝壁能全  
故人今雨非他客

吾道滄洲共此年秋興賸添三徑菊春潮不到五湖船  
憑君再擬相尋地數點閒鷗野水邊

哭喻子乾

數口西悲蜀道難一驄五馬舊相省風傳天上春光近  
月墮雲間海氣寒事志已脩千里郡功名俄蓋百年棺  
惟餘南省相知意獨取焦桐忍淚彈

上巳之明日登錫山頂一首

壬申歲九日嘗一  
登病後不意復可

也登

閒上東峰望五湖舊時亭榭半荒蕪山中石刻曾傳漢  
水上鴟夷獨弔吳南澗袈裟僧逐客西巖尊檣僕爭途  
五年再起登高興問道山花識我無

用登山韻送尹吉士舜弼

幾年蹤跡隔江湖冉冉春愁寄綠蕪北望京華常傍斗  
東來舟楫又經吳鵝湖鹿洞今何夢瀛水蓬山舊有途  
我憶麓堂心更切臨書翻愧一言無

舜弼去張提學汝立至復用韻一首



舊遊回首幾鄱湖白鹿堂壇半欲蕪周氏圖書元自孔  
楚邦風壤尚連吳壯觀獨泛三江水正學先驅萬里途  
聞道春來多雨露山城桃李已開無

春日訪莫如山不遇

南郭沙邊一繫舟山亭步轉更登樓僕知舊事問能答  
客有餘情行復留背谷且看花獨放隔林曾聽鳥相求  
主人試屐今何處應在龍峰最上頭

華藏寺和玉林

湧金亭倚水雲高三月餘寒尚綺袍  
古寺客來敲柳癭  
老僧門外掃松毛  
天風欲定還舟楫  
春色無端漫酒醪  
獨立蒼茫思何限  
吳山烟樹越江濤

送潘侍御起溟

柱史新從兩浙還  
清風隨鷁過吳山  
南方郡國巡行後  
北極朝廷仰望間  
八月秋濤虛谷震  
六橋春雨落花斑  
朝來暫艤蓉湖棹  
却愛沙鷗水際閒

吹笛

吹笛禪堂夏日長月明還憶玉河觴弟兄於我交能世

山水而今會在鄉興逐微波生綠酒夢將幻景出黃梁

清秋更擬酬君地高閣松風坐夕陽

四月十七日呂太僕仲仁暨諸昆季

酌我于惠山禪悅院近權有迷昔在京師嘗以中秋夜  
今伶人吹笛侑酒于今十有七年矣松風閣在聽松去

禪悅  
二里

午熟書事用西涯公韻公用杜韻 二首

矮矮牀如席地然十分晝漏七分眠銅槃水石自手弄  
山閣風松猶夢牽故人饋酒江浙上童子誦書秦漢邊

東街鈴聲冰水過時向慈闈須買錢

古澗泉如為我然松陰有石更堪眠仰高長對山靈在  
習靜將勝塵務牽大孤小孤匯澤畔南高北高潮海邊  
人間山水卽風月清興到時那用錢

喜得精舍地有作用杜韻

寺門東北徑悠然小洞陰多鹿慣眠出地泉聲無石礙  
倚天松骨有蘿牽病餘杖几三年後夢裏堂壇五老邊  
蓮社在隣吾不入門人今助買山錢

苦熱用虞邵庵韻

酷暑凌人未肯休，深居謝客汗還流。  
月星影照此堂夜，風雨夢回何處秋。  
吾道江湖應久病，誰歌雲漢不深憂。  
長松古澗新精舍，願與諸君裹茗遊。

雪洲追吊夏叔度亦用涯翁尊師韻

月寒沙白水如烟，興在中洲望宛然。  
豈有機心將避世，不知醫道已通仙。  
孤舟自繫須人渡，一鶴時飛為客傳。  
雨露春來江岸濶，吊君何處放湖船。

怡閒翁七十壽詩

怡閒翁今年壽七十其子太學生昌言等以翁意請為詩

子問開燕之期昌言曰翁不欲不敢以燕然則詩何為曰翁固欲之子異焉賦此以復翁吾邵出也自其先君景婁公甥于吾邵者迄今百年而往來視他姻獨久以篤予惡能無情哉翁之欲子詩其亦此意也夫

不須開燕却須詩七十年來兩好兒  
晨策杖時無地礙  
夜焚香處有天知  
中書宅畔雲連合  
羅漢祠前水滿池  
莫向人間問蓬島  
人間人以百為期

中書為王友石其故宅在怡閒宅西

怡閒後園有管羅漢祠相傳管產其地

正月三日小餞施克和於惠山酒間克和誦劉  
後村元日詩為令因用其韻再致別意是日予  
奉老母觀新精舍故別設于知微山房云

精舍初成近惠泉幾回辰至起僧眠新正屈指今三日  
舊約驚心又一年慈母板輿應偶爾佳賓草飯乃居然  
憑君莫問山中事萬里青雲彩鷁前

精舍成荅徐侍御侍御擬復命還日來觀故結  
語云

憲臺檄至築書臺野寺東頭闢草萊新水檻前看正脉  
古松壇下賞遺材詩傳涯老能千紙酒酹山靈又一盃  
剛道暮春吾興在繡衣天上亦朝回

春日懷僧知微

今雨山中未煮茶僧房岑寂閉梅花雲心逐我俱無跡  
草色逢春漸有涯林徑幾時松葉滿洞門何處竹枝斜  
古洞穿斜竹唐人詩也  
說音誤指其地故云野人持贈青藜杖欲向吟詩社

裏誇



寄題宜興李宗源雙桐用吳甯庵韻

雙桐自比雙南金地得寬閒  
謝斧尋吳老詩題從始植  
文郎圖畫已成陰霜黃碧葉秋將及月白青枝夜不禁  
吾樹在庭須客賦為君還作短長吟

秦氏山莊用慰國英韻

五峯東下見平林中老當年卜隱心  
龍尾白雲看不遠  
水心明月坐曾深  
誰家桃李春無色  
此地松筠晚有陰  
欲過荒亭橋板斷  
幾時香茗更相尋

和荅喬司馬

參贊堂高倚碧天舊章新賀又今年  
野情不問山深淺春色爭看雨後前  
梅柳雲霞俱物候江湖廊廟各詩篇  
江南二月多遊興獨放清溪愛我船

觀梅

病起逢春意漸寬梅花又向檻前看  
色如桃李無塵俗心與冰霜共歲寒  
素後也知施采易黃時纔覺作酸難  
東風吹雨花朝近對酒題詩政未闌

寄復張提學用舊韻

兩月東巡歷四州幾多詩景待君收  
節從海上應遄返題為泉頭合再留  
湖上晚風雲未定山中春水鳥相求  
濯纓別有滄浪調何處蘭亭水曲流

荅南沙用前韻

紅梅又發舊年枝多事相尋酒與詩  
草木欲蕃先喜色冰霜雖老獨貞姿  
君歌已到能言地我賞偏於半醉時  
誰道忘憂但萱草北堂移此亦應宜

次韻荅見素先生 二首

一別金谿十載餘

癸亥秋

郊齋猶憶識荆初

丙辰春

吟詩壇

遠旗頻偃執法臺高席屢虛閩嶠衣冠千里夢蜀川兵革幾封書花籬竹徑尋常地慙愧先生問卜居

寄夏德樹用素翁見寄韻

赤城別我十年餘

赤城德樹別號

猶憶麻城語我初

麻城謂李天瑞子知

德樹以天瑞言故

夜月江南鴻鴈少春風海上翠屏虛佳人空

谷長勞夢遠道平生未盡書聞道草玄多暇日杖藜時

過野翁居

聞龐方伯元化計

激昂意氣欲凌雲他日同朝僅見君國論是非誰史筆

諫垣輕重幾彈文山連吳楚三台近

元化天台人

水出江河

兩紀分

公嘗為河南廣西二藩

信宿信州成永訣舊詩淒楚不堪

聞

山中訪王校書

閒看書法到山中騎從多煩兩縣公茶鼎潤生移竹雨

墨池清起落梅風  
閉門謝客精廬右  
掃榻勞僧丈室東  
只恐春深遊客到  
青松林外萬花紅

連陰曉為北風開  
春入山中第一回  
亭上遠天須捲幔  
檻前新水欲浮盃  
校書客避叅軍辟  
問字人傳別駕來  
明日更邀朱趣玉  
黃公澗畔踏蒼苔

紅梅一首用涯翁壬申歲韻

紅梅闌畔興無涯  
頗覺詩從去歲賒  
貞白心腸元絕物  
尋常顏色自成家  
品題合著孤山月  
行輩休論二月花

剩取餘情與來歲只今誰遜復誰誇

上巳日私試諸生于二泉精舍

一從脩禊起流觴千載高風尚未忘此日間來非此客  
吾山佳處復吾堂卧龍庵外尋黃石活水源頭見紫陽  
沂上是非人莫問草亭真對海天長

觀錫山塔基寄顧少參與成

東峯石塔對西峯雲去雲來俯仰中萬古不磨銘地語  
百年誰試補天功雷將化雨春回蟄斗避文星夜起虹

何日落成須我報望湖亭上一樽同

夜坐復用韻寄與成

夜聞雷雨過前峯忽見浮圖在眼中最喜江城增勝槩  
却愁山鬼妬成功白雲影護無聲瀑碧海光搖不霽虹  
東望怡亭西劍井路人傳識定應同

龔守誠為山于水北莊詩以訊之用玉林韻

却對真山作假山白雲來往隔松關屐從一徑委蛇處  
亭在雙峯掩映間地僻有人能散逸時清何物不幽閒



二泉精舍長隣近日見林翁杖屨還

連日在聽松冗未有詩雨中補之

誰將第一扁西神竹徑新開及晚春  
劫火不燒無屋地海鷗如避有機人  
池邊水脉通時活閣上松聲聽後真  
聞道觀音經卷在欲從老衲話來因

經為王中舍筆先  
高祖伯完公有名

在卷  
尾

再用前韻 一首

休將冥漠問山神繡嶺花開別樣春  
竹少千竿分兩徑

松高百尺抱三人茶壚欲試新泉在畫壁曾省老衲真  
內翰中書前輩行閒來衰劣愧相因

又用前韻專詠松風

高閣松風似有神驟如秋雨細如春病餘每愛同遊客  
靜裏偏宜獨聽人已向陶廬誇地遠更於莊籟認天真  
眼前一片虛空界童子何知問起因

雨中和荅浦丈玉

五月江寒晝閣清雨中草色喚愁生繫舟未問水深淺

策杖還看雲重輕客去不知談未盡詩來剛及夢初醒  
百年吾道今如此何處滄浪共濯纓

雨中次文玉

庭下雙松相對清東風吹花松子生四簷飛雨葛衣薄  
一徑帶雲藜杖輕課詩未足銷多暇戒酒非關愛獨醒  
何處滄洲堪一眺已知吾道負冠纓

送潘平陽

東歸匝月復南遊百里封疆舊是州鴈蕩峰高連兩越

錢塘潮長及中秋琴橫晝日隨鳴鶴冕露春風起卧牛  
更喜老親迎養便馮公輿接少微舟

馮公嶺少微山皆  
遠中所經舟輿相

接舟十九輿十一之遠有迎養之志因以  
勸之予在浙嘗有事於處故知溫之道

### 登華甥西樓用唐人韻

滿天風雨獨登樓林杪清烟淡欲收雲重不知今日午  
月明還憶去年秋道經南郭蒲帆近望入東廬草徑幽  
何處新晴堪試屐溪橋北去有高邱

雨中在堠陽聞徐東之訃垂涕對客情見乎辭

老來方恨少知音，忽報斯人又陸沈。  
萬里枯槎空一水，百年敝帚獨千金。  
唐衢淚盡江湖遠，李渤盟寒歲月深。  
此句指白鹿舊遊頭白門生君自道，  
君嘗寄予詩有頭白門生之句晉陵回首重傷心。

雨中自堽陽還丹涇

雨齋正喜故人來，興盡將歸雨又催。  
溪上船如春水坐，雲中帆似楚江回。  
傍沙白鳥時雙下，隔浦紅蕖已半開。  
回首東廬休惜別，月明曾約共登臺。

一室

鬱蒸今雨異他年一室焚香坐且眠門外刺常愁客入  
社中詩却喜人傳古盤水石堪時弄高閣風松亦夢牽  
短壑層冰何處所杜陵歌罷興悠然

兩精舍

一在丹涇之上予日居之一  
在惠山泉左旬月一至焉

兩精舍共二泉名惠麓清風似丹涇松倚一峰元有徑  
草迷七曲已無亭

倪雲林為先世題畫有七曲  
灣邵家亭子面西山之句

渠通活

水門前碧嶺出浮雲屋上青剛道病餘多謝客小舟時

復過西汀

松風閣追次前人韻

秦中齋一首

一木還將古殿支，真公五葉又逢師。  
閒雲錫遠心初定，淨水瓶深手自持。  
南澗浚泉尋石竇，西林望月倚松枝。  
舊庵更有新樓閣，淮海先生為作碑。

莫東川二首

倚天松不受風搖，白鶴迴翔似有招。  
何處客來忘此閣，

故人詩在憶同朝采苓每帶雲雙屐供石時添水一瓢  
莫道山中無語者老僧送罷又逢樵

石畔青梧正有華白雲深處問僧家壁葭夢遠猶疑畫  
鑪竹盟寒不為茶繡嶺峯回松起籟黃梅時盡雨如花  
流泉東入蓉湖去遙聽灘聲走碧沙

松風閣坐圓金方益二僧和莫東川詩來呈用  
韻賞之

每怪侏僂語雜華靜中禪却自成家石庵故有詩題竹



雪老曾聞榜說茶三日天能留閣雨一盃吾亦對山花  
祇應便放中秋棹黃阜墩邊倚月沙

寄周都憲文化

病餘思見故人難東浙山川入畫看風雨百年多幻景  
江湖萬里幾驚湍尊前每進新鳩杖篋裏還看舊豸冠  
尚憶虔州同駐節鬱孤臺上望長安

送朱推官

曾從天際望蒼梧西向潯州莫問途獄訟豈應輕郡國

經綸未必負江湖  
文書散後詩還有  
車服臨時牒併無  
指日聽宣風憲召  
鬱林船石又東吳

侯職方書問我冉涇聽松二精舍詩以為荅

遠問容春及九峯  
北湖於我意偏濃  
幽懷自許長如石  
晚歲相看有此松

石冉涇物  
松聽松物

江上書回鄉國騎  
山中夢

醒縣樓鐘何時更  
是思君地活水源  
頭一短筇

再荅王郡公

太守詩來老衲收  
清風長滿聽松樓  
為山坐雨誰三日

嗟我懷人又一秋對酒且須諸客賦省耕還及早春遊  
最憐多稼亭前月夜夜光明照遠洲

九日與諸生適南野

重陽無雨慰農家我亦閒行野水涯高嶺未登山獨往  
美人不見眼誰遮雲隨風散千林淨溪抱村流一道斜  
有酒莫教都飲盡明朝還約看黃花

過舍弟小庄復用前韻

溪深竹密兩三家樹柳為牆近北涯淺水漸容新渚出

疎林猶作遠山遮  
路迴賈客帆初轉  
風急行人帽欲斜  
日暮相看興無盡  
漫從舟畔采蘋花

送葛泉州

老稱漢吏尚青年  
路指南閩上越船  
何郡獨非盤錯地  
吾山元有洌寒泉  
田田麻麥東風雨  
夜夜星辰北極天  
行過莆陽煩問訊  
素翁莊在野雲邊

觀馮廷伯園池湖石

石丈新從湖上來  
君家方築水中臺  
百年風力誰能挽

萬古雲根我更培  
袍笏有時真合取  
斧尋何處尚須栽  
題名未敢輕拈筆  
恐露精光逼斗台


得羅建寧和篇復用韻一首

君向江郎看石來  
馮家池上復登臺  
竒蹤漫謂星辰隕  
秀色還從雨露培  
杖者兒須梧竹製  
仙家衣是薜蘿裁  
若教移置鐘山下  
何處金聲更賦台

精舍奉安忠定祠

七載蘋蘩也自脩  
聽松庵外竹林幽  
高山仰止今祠宇

舊事荒涼某水邱諸葛表中空漢賊考亭筆下有春秋  
共看簫鼓迎神地一道清泉萬古流



容春堂後集卷十二

欽定四庫全書

集部  
容春堂後集卷十三

詳校官監察御史臣曹坦

中書臣劉源溥覆勘

覆校官中書臣康儀鈞

校對官中書臣楊世綸

謄錄監生臣馮曰琮



欽定四庫全書

容春堂後集卷十三

明 邵寶 撰

七言律

三十

七言排律

二

詞

五

八月二十九日門人華雲來自汪司成器之所

致吾師少師西涯先生之訃哭已有作

忽自司成得訃音燕山湘水夜沈沈

公今年七十寶作  
燕山高湘水深二

辭壽

百年恩義師兼父千載文章古在今無路可奔空

縞素有身堪鑄乏黃金京華北斗遙瞻處泣對朱絃欲

毀琴

越明日寢哭後作

別公已分見無期

壬申寶別公眷戀快怗不能致一語公曰汝年尚強或可再至但吾老矣

恐不能見耳於是各感嘆而別越數月公致政貽寶書曰卿見孫九峯言國賢行時不欲顯言別去此情此誼亦可與知者道也云云不謂傷心在此時再致語將莖露酒已巳寶待

罪東朝房公以內法酒惠寶寶將持歸奉母公間之貽以詩序曰再致一語情見乎辭

兩知音託

惠泉詩

寶歸公有詩寄題第二泉其末云我歌泉和兩知音吁嗟乎誰哉更識泉齋心

山中几

杖操今遠雪裏門牆立故遲

寶自庚子舉于公甲辰得進士卽出知許州越十年

甲寅八戶部始  
獲執業門下

最是壽筵賓客散

六月九日公生日也  
今卒七月二十日去

生日纔一  
月又十日

西風吹雨夜淒其

又明日作

十年論道坐黃扉多少文章上衮衣  
綠野堂成纔少息

碧山居在竟何歸  
昌黎山斗名方著  
君實兒童事已非

愁絕兩知亭外竹  
聲聲蕭瑟倚斜暉

兩知亭實取公寄  
題惠泉詩中語名

聽松竹間亭也錢  
戶部世思為記

又明日作

明農疏入興超然剛道艱危已濟川晚歲樂無司馬獨  
盛時憂有范公先三朝天為留平格一語民曾解倒懸  
縱是門人脩譜錄隱功陰德恐難傳

又明日作

方石東山各遠行朱絃還對老門生

自庚子迄今凡三十七年公嘗批寶

大字後云子往時嘗被方石老駁得荒今不知國賢亦耐得我否

酒邊梅雪五年夢

壬申

二月望公嘗召賞紅梅時天雪邃翁亦携酒至詩裏雲山千里情

寶東歸以來凡得公詩東

二十餘紙節擊和歌聲響應

壬申將歸公飲之酒時天初熱公命移席中庭陳都憲德卿魯

司業振之崔郎中世興何郎中子元皆在坐酒半公曰  
國賢吳人振之楚人聞皆善歌歌以相和可乎遂出近  
作古今詩數十首俾歌焉  
公憑几聽之時一擊節  
囊留刪稿字縱橫實自丙午  
赴許州至

復入戶部以古文辭呈稿得公  
批抹無慮數百篇今手墨尚存  
獨懷他日樞趨地欲向

南屏問舊盟

甲寅拜公請教  
實託南屏先之

又明日作

病久無書問起居有書還復索親書但能數字何須楷  
從此三年遂不虛湖海却忘魂夢外亭臺猶想笑談餘  
靜探月窟詩中意舞罷萊衣每愧予  
寶病後不能作楷  
字每上公書輒假

手於人公恐寶手尚病故書來索親書曰但得數字足矣不必楷也甲戌歲公得寶壽詩其和章有月窟靜探康節手綠衣間稱老萊身之句寶愧乎其言常誦以自警

得俞吏科國昌報

吏科報至倍傷神說病論醫字字真千字尚留秦篆石

國昌書云公壽時猶手篆千字文刻石

一時真泣孔經麟新亭東望虛秋

月別墅西驚迫塞塵天路茫茫靈爽在先皇應慰見師

臣

見素公寄和公惠山泉歌至

素老書來手獨開  
涯翁書復幾時來  
百年倡和空金玉  
千丈光華自斗台  
震澤雲山愁獨對  
重陽風雨夢初回  
壇帷更擬龍峯下  
一勺清泉萬古哀

是日檢篋得公壬戌和寶哭徵伯詩

悲歌當哭不論詩

公詩有曰悲歌聊當哭何意復論詩

長憶先生哭子時

今日又興天下慟  
他年真拜古人師

乙巳寶別公赴詩有詩云我有文章

願公今海內師南屏曰國賢願為先生衣鉢門生故其詩云公和曰才誇今代得文識古人師匣劍知埋處囊雖見脫時作官州郡小為客歲年遲莫道黃金盡猶堪鑄子期  
濤驅東海曾於硯石采

西山故可碑一念九原應未暝白頭親尚在慈闈

宋文傑以通天筆至

先是寶命文傑製通天筆數管將以奉公至是筆成

忍復通天問筆人涯翁手墨已無真路長不憚頻封駁

價重真憐一笑嘖

公嘗謂文傑通天筆以寶言遂行於時有詩賞之後所製不如前公欲奪

前詩寶書力解而止

韓愈傳餘還品藻公權諫後復經綸中山未

族將軍老慟哭秋原不為麟

雨中念喬司馬不得會哭

燭照高齋坐論文十回侍側九喬君

寶每侍公公留飲食必召喬司馬希



大計傳兩地慟復慟聲隔九原聞不聞南國江山愁夜

雨西涯水月夢秋雲

西涯公舊第也在  
慈恩寺前海子畔

獨憐風雪瀧岡

館猶許幽談到夕曛

公新遷世墓在畏吾村有別館馬  
已巳歲寶在東朝房公雪中出內

閣命司馬約寶同會於斯抵暮乃返時守門內臣詩曰  
歲寒無景老先生何乃至此公聞而笑曰然哉然哉

### 聞太師公諡文正

哀音到後又而今節惠初聞出翰林千載特操遷史筆  
百年如見范公心東川有障龍門在南斗無光壁宿沈  
何地可追尼父誄在天真若敬皇臨

李尚寶寄文正公遺書至

王推府附書一紙公病筆也又有信難一

首崔尚寶謂此公文絕筆中序平生與寶論文之詳且引杜李韓柳歐蘇反復數百言公

自謂謂寶皆於是在寶昔有文字呈公必為塗抹自請養以來荅書而不塗抹者凡四年

死後誰知尚有書符臺緘至益沾裾曾知此意吾多負  
敢謂今人我不如春服從遊諸子在夜堂歌詠幾年餘  
篝燈再檢平生藁秋雨江南歎索居

憶文正公嘗欲卜居宜興

幾年卜築欲江東陽羨溪山罨畫中千里有情春草遍

一罇無地暮雲空相州未得歸韓老汝穎猶堪葬長公

曾說近遊須館我吾亭今合號涯翁

初公欲卜居宜興吳禮侍克溫實任

其事實亦與間焉實嘗謂公無錫須置一庄公曰國賢卽我庄也又庄何為

### 邃翁寄文正公誌銘藁至

銘公誰秉筆如椽邃叟知公自蚤年曾謂中郎碑可愧  
也知裴老畫堪傳遺書數卷真垂世陰德三朝已格天  
西直門西埋玉地大書還見表新阡

### 上文正公詩不及見而返用前韻

短歌無和不成音手牘重開淚雨深雲隔長安空注目  
鴈迴湘浦獨傷心跡留篆籀須銘鼎調絕風騷莫譜琴  
此後祇應江閣夢西涯雲水畫陰陰

不寐思文正公

寒聽鐘清倚枕頻麓堂音斷正愁人書中未盡言中妙  
畫裏爭如夢裏真九制立揮忙秉筆三朝坐論緩垂紳  
祇應退食從容地得與光風幾月春

張提學寄先師文正公新集至代簡為荅

遺書新刻自徽州千里緘來百拜收自是叔孫知不朽  
未應巢父得長留秘藏不作山中計重購還供海外求  
青眼獨看張侍御瓣香今有古風流

送行人喻漢宗之

蒼梧雲接楚江西萬里南行嶺復溪使者節從天子所  
解元名自省闡題家音正值三秋鴈朝報初違五夜鷄  
尚憶憲臺冰玉地獨將文字誦昌黎

行人喻君宗之奉使過錫詩以贈之

君昔從其外舅金憲萬君世和于江西因從子游子嘗勸其讀韓文不兩月能記其半既而遂魁廣右其勤且

敏如是今之  
進不亦宜乎

燕馮氏山亭

病後青山似病前  
山中流水亦年年  
淵明不飲終辭社  
坡老多言漫入禪  
人結晚盟惟竹最  
物將春報有梅先  
却憐亭榭隣吾館  
勝日相過共煮泉

董感恩道卿自蘭溪來訪致楓山章公手書詩  
以謝之

楓山老矣蘭溪上  
猶為人間抱隱憂  
萸菊年年彭澤酒

江湖處處范公樓  
眼看儀羽翔天表  
心送狂瀾到海頭  
再見未能徒悵悵  
道卿十日定須留

送道卿

道卿南來登我堂  
西風颯颯吹衣裳  
十年話遠寒宵短  
一瓣香清新月光  
操槩當年曾白鹿  
濯纓何處不滄浪  
煩君為吊諸賢墓  
朱呂風流在此鄉

聞秦豫齋訃詩以哭之

辛苦吟詩半世忙  
山林朝市兩茫茫  
冷官纔釋窮時褐

壯節還登達者堂北野何人收駿骨東林他日委書香  
清江風雨重陽卷一讀令人一感傷

與道卿夜坐

病後相逢似夢中君歸海外我江東幽居門徑松兼竹  
寒日湖山霧且風與客登臨頻有約著書打坐兩無功  
從來吳越隣封地歲晚尋盟正未窮

送道卿

十日留君未盡情懶從南郭送君行千年琴在朱絃老



萬里人歸白髮生  
陸羽祠前泉水活  
嚴陵灘上桂舟輕  
風山問我箋書事  
隨筆時時不敢程

南沙宿知微房奉憶

一首

信宿山中未得陪  
老僧獨為供茶盃  
一時欠事庭無月  
五里餘情野有梅  
文會又從今日起  
書評還待後人來  
卧雲字在南巖石  
好謂知微莫遣苔

碑成再贈南沙

三日山中兩日陪  
病餘猶恨不勝盃  
詩成陸羽千峰茗

夢醒盧仝一夜梅汲水客應將石去看花人只待春來  
大書更有磨厓地半是雲封半是苔

數欲叙別于文玉文玉適適鵝湖未果也至是  
一叙則行期迫矣情見乎辭

新相知自舊相知近別離成遠別離擬策已為蘇子地  
上書還憶漢文時律吹和氣回燕谷旌引文星動海涯  
我愛梅花思折贈江邊一樹正垂垂

予以大魁望文玉久矣久屈而伸其在茲乎詩

以志別

春風不負歲寒心  
行見鶯花滿上林  
日下望京千里近  
雲中叩闕九重深  
良工竟識陵陽玉  
清世寧論郭隗金  
瀛水蓬山天只尺  
江湖回首憶知音

送施子羽

青年文苑恣遊觀  
慈母堂前日問安  
春服試來壇雨霽  
夜燈懸處硯冰寒  
琴邊山水知應少  
藥裏君臣效亦難  
此去京華須問訊  
上林何樹可棲翰

歲暮遣懷 一首

門前饋歲野人來，手折梅花已半開。  
觀為江山留晚閣，興將旬日動春盃。  
年占方怪冬無雪，世計還驚夜有雷。  
聊託閒情到詩社，兩童東去復西回。

江上瞻雲為夏少參賦次涯翁先生韻

洞庭東望海雲飛，一棹凌風省使歸。  
渭北漫愁江樹遠，衡陽真恨塞鴻稀。  
金山寺近連秋浦，黃鶴樓高倚夕霏。  
已貴復看頒錦誥，未衰何用著斑衣。  
鳥迴西極千峯碧。

花發東郊十里緋寸草有心何日報高堂無恙幾時違  
天涯蹤跡散還聚客路懷思渴更饑明到湖南重回首  
君山如畫帶春暉

為龔時亨題王中書春流出峽圖追次王耐軒  
學士韻

三峽諸峯畫裏開登高不見杜陵臺一灣水帶銀河下  
千里人從劒閣來忽怪乘風道似馬慣看撇漩小於盃  
冥冥不斷楚天雨濯濯新除蜀道埃他日曾悲羈旅客

此圖還見出群才低懸星斗雲邊棧深著烟霞石上苔  
縱使險途經灩澦也勝弱水隔蓬萊百年再和天游句  
兩絕一時真異哉

釣魚詞

蘆花秋水淺不用繫扁舟便是被風飄去不到海東頭  
莫問蓬萊何處莫問瀛洲何處適意是真遊乾坤千萬  
古遺下這風流一竿三尺線輕颺釣魚鉤更愛相親  
相近水中鷗不省溪風山月卽看渚蒲汀草自識春秋

滄洲吾道在江漢日悠悠

蝶戀花四闋

張提學寄涯翁先生詩卷至中有和盧侍御蝶戀花四闋春日閒居

因用韻以寓吾興次章所懷卽吾涯翁也三章遂及提學其四復自述焉

三年卧病今年好二月春寒又被東風惱  
古人詩語今人道傍柳隨花方未了  
閒學少年還嘆老擊節長歌  
不恨知音少流水橋邊亭子小  
古琴時有幽人抱

相逢誰謂吟詩瘦聞道春來筋力全  
勝舊曾將春酒遙稱壽今年準擬明年又  
夢裏周公應不復筆底春秋

莫問何時就老眼摩挲凌宇宙一聲啼鳥西堂晝

故人千里書中意前日江山今日還增氣呼童為掃門  
前地觀風使者春將至行空天馬非凡騎第二泉頭  
酌水能心醉漫道薦賢名已遂桃李笑東風多事

屈指一陽今九九綠起郊原草色無還有燕子歸來應  
不久主人病後初開酒次第春光詩管取論清景剛  
道是纔黃柳半醒半醉花開後幾多人等閒白首

容春堂後集卷十三



欽定四庫全書

容春堂後集卷十四

明 邵寶 撰

書簡

三十  
九首

辭人稱泉翁

某幼也孤育且教於母太淑人太淑人子惟某某請告  
歸養養不能具物而以心承焉比歸而病重累親心病  
幸愈矣然親心猶未能忘焉每見吾色煦則悅言揚則  
悅步健則悅不然則否由是自計無以為悅者我思古

人於老萊氏得我心焉推類而效之蓋無不為也然吾年踰五望六矣距夫古人之稱老者行將及之病非親所悅而悅老乎泉翁之稱吾甚不願聞於吾親也古者親在恒言不稱老老不可諱而若諱焉豈惟避尊亦將以悅之而已矣且翁之為稱有齒之謂也有子之謂也未老而翁未父而翁將以為禮禮固如是乎世固有重人之德而翁之者謂之義起我於何有諸君子之稱我固將以尊我敬我也尊我敬我而不悅於吾親某也懼

敢辭吾聞之也幼名冠字五十以伯仲中古之道也如  
以吾名出吾先大夫而不欲斥之凡有教焉伯仲焉可  
也否則官稱之如太史公行亦可也否則地稱之如東  
門柳下亦可也何必翁我哉某也媿敢以請惟重為吾  
親圖之某再拜

與侯明府世卿

某久病人也頃丁元德還自京師忽有起用之說君侯  
聞之以語某曰某公某公皆云然某時具以情告君侯

君侯亦既憐而聽之矣今聞前說尚有未已者敢不再告凡用人者必量而後行不行而後量一曰量才二曰量志三曰量力某也不才不能用於世固矣而人不謂然者蓋自筮仕以來在許州嘗從事勸課矣入為戶部屬嘗從事章奏矣及出江西又嘗從事程試矣若是者皆粗跡也施之當時僅可逭責而已而可謂才乎其于臬于藩于漕不久而去之且獲咎焉又不必論也若今之地則非昔之比矣以昔所為而施之於今可乎此吾

所謂量才者乃槩之事實而知其必然非泛為謙遜云爾某既不才重以母老且病無人侍養於是懇乞南歸歸及半年某得危疾大驚母心病乃有甚於前者繼而濕痰叢脾釀為中泄流為下腫旬發月作越二年未嘗愈也嘗少間見某病餘習行於庭必戒童僕隨之此何心哉當是時有不言離朝言離則夕以病夕言離則朝以病病乘哀至愈將無日侍養之缺猶前日也茲艱日思百念俱灰又可知矣蓋區區今日之志如此而望其

有為乎哉此吾所謂量志者猶夫才之謂也惟我疾之  
初起痰涎壅盛口眼喎斜左手足不舉是為中風在醫  
書蓋第一證也說者謂闕無幾全卽全矣不戒則復復  
則不可藥是故虞死者數日虞廢者數月旣而稍愈人  
曰非中風也類中風也類云者謂諸證同之也諸證旣  
同所謂不戒則復者有不同之乎凡我姻友近者以言  
遠者以書不曰戒勞則曰戒怒戒勞者曰雖詩文亦不  
可作為其損心精也詩文不可而可簿書乎戒怒者曰

童僕有過不宜作嗔為其動肝火也童僕不可而可吏  
民乎或謂可出出將奚若舟行則不任夫眩也輿行則  
不任夫頓也人猶可相也至於迂命謝恩朝叅陵謁拜  
跽興伏亦將扶於人乎不可也凡此大節下至交承應  
接發言行事氣不隨心必多舛誤至是而后退處館舍  
曰吾疾又作此養病地邪此吾所謂量力者亦猶夫才  
與志之謂也是豈惟吾知之人皆知之特不冒言耳不  
言可也而欲強之何居且某宦學餘三十年矣勉強從

事少圖建立豈非平生之願哉顧以情事如此不能自副故甘守知止之戒以終養吾親期免大戾而已譬之卜宅者高堂巨室既不能為僅就一偶小築以庇風雨蓋吾才與志與力有固然者客有見者曰曷不高堂巨室之圖也意則盛矣苟不自量起而從客將見高且巨者不可得成而所謂小築廢且及之矣此吾於君侯之說所以未敢竊聞也或曰起用在人辭免在己子何執之堅也里有為酒食以召客者其隣一人病不飲酒或



謂之曰某將召子其人以不飲謝或曰無庸盍俟其至而辭之在彼有禮在此有辭不亦可乎其人曰吾旣聞召於子辭而有俟不若先之之為誠也他日病愈可飲酒有不召召斯往矣君子謂斯人也確吾不自量將不媿斯人乎元德過我言與君侯同某時語之不盡至為書謝焉大意謂某有不可起者三不能起者二比以書草呈諸君侯君侯覽之并讀吾請養諸疏憮然太息曰由衷之言也由衷之言也今何則異於是某嘗聞之君

天也天之恩誰敢不懷敢不圖報然報之不能而徒自  
病焉以及於親亦豈天之所願於物者哉某之情固私  
情也昔也請而俯從仰荷天德天之罔極實于我心犬  
馬後圖敢望而未敢期此吾所以事天者也君侯以為  
何如君侯與某相見雖晚而相知實深凡吾之情宜有  
不俟乎言者今也言之諄複豈得已哉豈得已哉惟君  
侯重圖之某再拜

與王衛書

昨賢友來言江陰夏鴻臚欲須鄙文為范宰頌已託賢友辭之今又以禮幣來何不量也此文有不可作者三病力不與焉劉給事紘吾門人也先是治於江陰嘗脩學宮其士德之其死也追思之不置癸酉歲方生謨介吾姻友施君克榮張君元玉來請學記吾病不能作而心未嘗忘也今此作焉人謂吾何其不可一也吾令侯侯善政為諸邑最邑人之戴侯如赤子之於慈母也吾邑人也未嘗有一言稱之而顧稱於他人其無乃非心

之安與其不可二也范宰之政吾不能知而一見之雅  
前此未之有也君子愧未同之言未識而文以歸何居  
其不可三也有是三不可者即使彊健亦難執筆而况  
病餘閒居則何能辦此邪煩為我謝夏君勿訝勿訝所  
辱厚儀已附返錦之義賢友知之

與林鎮江

金星士還得手書深慰馳望昨見桂丹徒萼又得起居  
之悉始某為州於許日承候上官自謂不見其慢既而

為藩為臬巡行郡縣日接下官亦自謂不見其慢間以  
語黃伯望伯望曰此亦是公過處某不謂其言為然今  
於京口近事始知吾過之為過也夢也簡率而近傲吾  
惟夢之責夢亦受咎無後言夢還因為之請教而成之  
將惟執事者是望始而相違終而相成無損於事而足  
以增光盛德亦君子所屑為也吾子亮之涯翁石刻諒  
置之得所可為江山賀矣秋深千萬保重

復羅二守

昨辱手教以忠義祠碑銘見委此一郡之盛舉某雖不  
文豈不欲勉彊執筆附名於不朽哉第兩月前吾邑侯  
侯圖刻忠義之錄秦中丞國聲嘗屬首序已諾而為之  
矣茲又銘焉是多言也其何以為茲祠有無且宮未考  
而碑先之何居是以不敢承命楊驛丞所致幣物即託  
返璧茲復具啓謝不敏焉惟君侯亮之

與桂丹徒萼

即日得手書知近况甚慰馳想昨會徐夏官能侍御所

言略同今之時何時哉君子之政固當有深長思者矣  
白石公南行時以避嫌故不曾相見回途未知見否倘  
來時當為之盡也此事始末吾不能詳以為思與則不  
可以成美受諸已以為怨與則不可以分謗望諸人行  
事在我成事在天無小大一也今兄書意真切足見家  
庭之素但事有不可直遂者水到渠成慎勿輕發以重  
口語也今之人成人者少而幸樂以敗人者多逆心遜  
志之間至理在焉千萬加念令兄書南去人便當自復

之雅惠良感客有過京口者非手書雖言若近是亦不可信至囑至囑

與謝兵備德溫

承專人垂問兼致果酒之惠病餘閒居曷勝感慰所諭欲為我浚敝里之池此池故冉涇也蓋淤塞者百餘年矣風水家皆言宜通之不然亦宜深之浚云浚云固我所願而不敢請焉者也第所議開官河既以歲荒民窮而止矣今乃有事於吾池可乎以吾池之故而速官謗



於吾子吾不為也昨已力止縣官縣官亦既聽之矣恐  
吾子之有後令也專此為復某與吾子相知自江西于  
東陽而深于巡按而尤深子之知吾猶吾之知子也千  
萬相體餘留面既某再拜

復張都運企齋

數日三辱手劄未即奉荅非敢略也蓋有待也龍杰之  
為豈惟得罪于官府鄉黨哉龍也則得罪于其祖父戒  
軒先生于其伯父觀省先生杰也則得罪其外祖父西

山翁三君子者如有知也則謂之何某初意欲置之法  
既而憫龍父老杰母寡又惟今之時盡法為難而獨盡  
于此吾不忍焉若就執而中止則不卒法之名又歸于  
官與其上有遺法無寧下有餘情是故遲迴數日欲追  
其所得餘利買書送學官薄示懲媿而或者又以其家  
貧甚來告於是告諸邑大夫不竟其事其所備書價各  
令以其十之二具酒饌告罪于其祖父伯父外祖父之  
墓其餘歸其老父寡母此皆聞命于執事而后竊議以

處之者抑閒居順應敢以老之將至而忘學哉執事知  
我久因復請教其將以為何如也人還幸示數字餘不  
多及某再拜

荅吳憲使遜之

伏靈拜賜感感神仙之說不出吾日用間公言蓋得之  
矣行當請其精蘊開我固陋耳但獵心或萌於十年而  
矜字未消於一載心之難操有如此者安道於東坡之  
云未知果能副否况區區病餘之人乎媿悚無已晝寢

起讀來教附此為謝

荅華世宏

昨承左顧以令親甯庵吳公六十壽序見委甯庵吾平生知己也此文吾所當作但病餘戒勞久謝文字而壽序行序尤為首戒以是違意于姻友者多矣至於甯庵乃不違焉人謂之何甯庵為當今文章名家由翰長而位宗伯其人其地皆甚尊重而苟欲為文以致其側是固夫人所難也而況不敏如某者哉某以病子侍老母

仰荷上德定省之餘雖不廢書策亦不過代奕以消遣耳豈敢大書巨軸歸諸中朝呈于公卿大夫之前哉所惠嘉果即已祇受其禮幣義當返錦友桐再來何不量也丁仁夫知我者當亦以吾言為然也春間得甯庵書一緘內有戒作詩文一節其為我甚厚也茲用錄奉一覽餘不具

荅浦文玉

恒暘之後繼以恒雨且當禾成之秋所謂惟歲而不惟

月與日者也鄙人間居不敢與知國抑不能知吾身乎  
某病人也元氣之耗久矣雖憂且勞將何損焉是故憂  
徒憂也勞徒勞也君子弗貴也所諭西銘之疑其將廣  
吾意歟否邪蓋嘗觀之西銘之指以事親而明事天之  
道者也天下之無所逃者二天也親也二者蓋等焉昔  
者申生之被讒而將見殺也或謂之行申生曰天下豈  
有無父之國哉吾何行如之此則所謂無所逃者當是  
時辨不辨皆不害於無所逃也雖然死辨與死不辨則

有間矣是故謂之共以事親言之共非純孝而孝者必  
共以事天言之共非純仁而仁者必共申生之共在無  
所逃不在辨不辨也西銘之意蓋得之春秋世之責申  
生者曰筮之從不知諫也曰玦之佩不知讓也曰胙之  
進不知嘗也至於被讒而後圖小則傷親心大則虧親  
德無一可者獨其無所逃之共則質之天地而無愧耳  
夫知親之無所逃則知天之無所逃矣由是脩身以伺  
之自有不能已者此固仁人孝子之變也蓋至於申生

而極焉而或者猶備責於申生亦春秋之法也非西銘之指也病後畏苦思甚媿來屏簾閣坐雨一日三秋想吾子同此懷也慕歌山華之作改字殊勝鄙作亦改過如別本煩再為一評之其他諸作乃病新起時所為以志慮精力相校於今何如也幸無吝一及其甚無謂者直抹之可也餘俟面悉

東侯明府世卿

日者蒙遣醫官諫率醫生輅存問吾老母蓋推廣德意



而為之也老母老而多病某也賜告侍養于茲久矣未  
聞是舉也今是之舉情見乎文義著于禮一舉動文告  
間而使朝廷稀濶曠蕩之恩流動照耀於天地間凡在  
聞見莫不為我贊慶而况吾母子哉拜嘉之餘即日往  
謝禮也而某也病餘力弱尚未能焉為是感懼敢令小  
壻憲先道此意而三薰三沐再拜堂下病愈之日蓋有  
不敢後者惟明府鑒之諫與輅姻舊也以執事之命來  
是邑大夫之使也執事所稱朝廷之命也諫與輅亦朝

廷之使也敢不敬歟觴酒豆肉坐二人者於堂而酬獻之禮也會有齋事斯未之能行也知禮者愧之某亦愧之敢不告罪惟明府重亮之十月十一日某再拜

復侯明府

蒙顧夫四人命供轎役仰見體悉之至病餘不出三年于今今向愈矣然尚未能出雖吾從卿大夫之後禮不徒行今之日無所用之故不敢受也抑又有嫌不可不謹者昔某請養南歸時道路尚未靖或謂大司徒孫公

曰邵公行盍差一辨事官託公務秉傳以從孫公曰請  
養私事也例無秉傳今從以秉傳之官未免稍由驛遞  
無乃非邵公之所安乎予聞而謝之君子以為知禮大  
臣致政則有輿卒恩出于上請養非致仕比也然無所  
事事而燕居私第跡則近之無卒而以為有卒方之秉  
傳其嫌不尤大乎夫禮所以別嫌也某雖不敏不敢不  
勉四人者昨即遣回恐明公未亮吾意敢終布之明公  
愛我以德處我以禮其無使彼僕僕徒往復也某再拜

與施克忠

近承邑大夫以朝廷舊命命執事偕張尚質存問老母  
此殊典也某不勝感激之至適有齋事未能具觴豆以  
勞從者蓋媿歉者累日矣二十一日薄具蔬酌敢屈過  
我燕坐少時用申微敬繼自今每三月一舉得如此二  
三十年則我母子之幸也感恩之餘亦豈敢忘侯侯與  
執事之盛意哉是日陪者惟一二知己附此以告

太淑人生日辭賀者

老母以齋事甫畢志在戒殺生日不欲燕客且謂某病  
餘力弱執事為難故命某辭諸執事執事其亮吾母之  
情無重勞玉趾重我簡慢之罪也某無任惶悚十一月  
十六日某再拜

復唐巡按

蒙遣驛丞垂問謹拜雅意之重秋暑未退惟節哀是祝  
病餘草草不具

與喻宜之

病餘閒居客有過訪者皆云吾子讀禮甚勤鄙人聞之不勝希濶之歎即日欲往慰焉而力未能也茲有數語以書將之前日香帕之惠何汲汲也欲辭未果附此奉聞秋雨以風千萬自愛

復桂子實

別後賤體稍健惟七月間數日微恙耳忽得手書知尊堂壽康吾子之還其為慰多矣及觀所與家史公書備悉所歷之苦臨別勿勿之言乃猶記之邪苟可記也則

可行也吾言無出此矣青田之行何時邪未中千萬保重令兄子朴煩道鄙意

簡莫如山

某承朝命贈我祖考加贈我考二府君皆副都御史某病起因循未即行焚黃之禮今將奉主安於新建家廟欲先易書以俟是月二十八日卜云惟吉敢假大筆為光重之惟先生世篤道誼幼偕問學必無外也病餘未能躬造四拜以請他日容敬謝焉

與徐東之

新府主到任遣小壻憲舍姪勲持書代見復令退謁長者凡可以教二生者幸無隱也長者之前卑幼侍坐禮也過避以起傲非所望於高明也某再拜

復張提學

冬間聞朝廷以吾友學行端雅回巡浙成命命以南畿學政君子稱得師者同然一詞僕與有光多矣新春承手翰垂問兼領厚幣藥物之惠今科舉事迫計日從事



尚恐不足乃復懸念於僕何勤厚也嫌疑之秋不欲以書通姑此附謝僕尚乏嗣雖有壻及從子在教下隨衆進止不敢他望倘別有以吾名言者幸痛絕之吾豈以吾所惡者求諸人哉知我者必能信我也僕以病子侍哀母凡來翰所稱於僕何有端居靜思徒增媿歎耳若吾友所處上有明詔遠有聖謨近有令祖家法僕何加焉昔者僕赴江西王儀制汝言嘗有詩見贈曰職在文章官在憲政宜嚴肅教宜寬僕深得其力請為吾友誦

之涯翁老師所諭之言已拜聞矣有便幸為轉達感佩之意餘惟節勞為斯文愛重不具

與諸庠友

月朔辱顧弊廬某病餘晏起雖勉出肅客而為席供茗竟以衆廢茲遣人致謝幸鑒亮之

荅拜巡撫小狀

某抱病閒居適辱都旆光臨慰問勤厚拜送之餘即詣行臺拜謝禮也但賤軀雖幸苟全而足力尚弱登降階

堦殊未安委或扶以進非入公門之道缺然莫舉尤不  
自寧茲以舟詣臺前躬致尺牘于闥人謹謝不敏惟垂  
亮焉是望

與華世靜

所須江東神祠記其事頗難立說潛溪公既有作吾安  
得而辭諸所惠書畫已收訖玉盞并雕漆盤輒用返璧  
寒家無金玉酒器惟老母七十之慶嘗造白金爵二嘉  
賓至時一出之餘惟尋常瓦器而已今置此其中殊為

未稱且酬酢之際主客相顧恐或失墜甚者形於色詞  
酒以合歡獻將敬也而可以懼心擾之乎古之君子無  
不用玉者某非其人也苟得而藏焉求稱損德懼壞累  
心其如玉何其如玉何且今先君之所嘗御吾有不忍  
之心焉是故返之玉乎玉乎非不知其貴也煩檢而命  
諸典器者人還仍希手書見報不悉

荅楊淡成

辱示年歷執事平生歷履蓋畧具於斯矣其可傳無可

疑也雖然尚未盡也史法貴簡譜書貴詳詳而或厭其冗綱而目之可也此雖出於門人亦恐湏老筆耳壽文之類宜附七十歲下前此廷試所對策及所上疏各附其年亦宜之門人私淑者可以收亦可以無收大抵執事之可傳者固在已不在人也惟高明裁之昨偶作詩六七章附此請教病餘值炎暑亦聊以自遣而已無大意義吳尚書名雲洪武初使雲南與王子充先後死節者也餘不悉

復王郡守書

華生回辱手書若將詢政於不肖者且云先是欲遣庠生致之寶病餘閒居之人何足以與此然所謂寓教化於刑罰者此君子之所用心而執事乃首及此吾郡生靈之福也敢不敬贊但受狀太多之說某比緣病餘少與人接蓋未嘗聞之然以理觀之民之有情赴訴于上審而聽焉明者固有則矣徒多勞人苟簡便已皆君子所不為也而謂執事為之乎雖然定輕重者存乎審別

情偽者存乎聽聽得而刑罰加焉善人安而淫人懼則所謂教化者固於是乎在書曰明於五刑以弼五教刑期于無刑惟執事重留意焉繼自今將見德化之大行也某雖不敏敢不以告昔者某承乏按察兩浙凡訟詞發聽于府州縣者其紙尾有刻印之言曰無畏健訟而務調停無惡越訴而起忿疾偏原告者非也拘成案者亦非也惟公惟明歸於至當而已矣一得之愚敢附以獻不知高明亦有取乎否也和陶詩詞意俱雅淡可誦

敢謝示教之及外涯翁先生詩刻一幅奉覽餘不敢瀆  
卽辰新春惟為民加愛不宣

復張提學

憲節由毘陵之江陰屢辱書劄於我厚矣繼聞在姑蘇  
就醫藥欲遣人往問以嫌故未果手書自吳江來諭及  
吾師涯翁續藁之序若以義分當歸於僕者僕雖愚亦  
豈不知此哉第公門高第在館閣臺省者方彬彬其盛  
僕病餘閒居固當遜避若冒然為之重為公之文之累



人其謂我何行將閉戶思索倘得成藁當與高明商確之卽日未敢奉諾也敝藁忍媿就梓蓋重違雅意耳然非得吾友一言以冠其端恐無所藉以為重者幸終惠之不然雖刻成決不印行也以嫌故不敢遣人專瀆諒知已能亮之郡守邑丞皆措督惟謹而胡通守尤切留意但刻工已選擇數人開局於我西園計日論功旣不欲遲又不欲其速也所費已勾十分之八或不煩再畫矣東巡不知返旆何日惠山試茗之約終遂否乎餘伺

面布不具三月十二日某再拜

復張提學書

昨辱過我精舍山水增重多矣所諭祭田時供之外固可為脩理之助但利之所在衆共趨焉病餘之人恐動心氣敢辭之且昔年在撫州嘗止諸生爭占寺基今受此是人已異致後先殊情也敢固辭之其精舍從屋亦以是故不欲尺寸之益請勿留念是望惟脩學及五賢祠及名宦祠事卽乞與王郡守議行精舍禁約條件亦

希早發下昨已拜懇茲不多瀆

又

昨精舍夜坐聞祭田之歸初亦未見不可旣而思之我  
精舍自有田三十餘畝足以供祭若復益此是利之也  
利之弗遠如尚德何是以敢固辭之且屬本縣以公文  
申達吾友誠愛我宜聽吾辭亟令罷免不然外則損名  
內則動氣執事愛我反以病我也將焉用之如不吾信  
雖勤百致決不敢取戴天履地字字由衷惠山之靈實

聞吾言惟高明亮之

又

某啓昨得手教聽吾辭田喜慰無已守溪翁文字在區區誠所謂不敢請耳固所願也者此吾友之力然非再之三之恐亦未易得也莫李二生有禮有辭稱提學之使敢附以聞數日斗熱忽涼校文之餘萬萬自愛不悉與張提學

縣吏還自揚州得手書感慰無已守溪公文字承欲再

速此必得之道公嘗與莫李二生言集如刊出不拘多  
寡須得一觀茲印出二本奉上幸為轉達此間不可徑  
送故也田屋聽辭閒居心甚灑落吾友之惠也范同知  
承委脩學公勤嚴慎治官如家分人興事所用工力就  
委其人顧用而以價給之將見不勞一夫不陪一錢數  
月之間四五十年之廢墜可以興復矣此皆吾友之力  
鄙人幸觀其成亦與光耀多矣但事有權宜范倅不敢  
徑處者亦煩聽其稟白愈見停當僕昨亦以尊意相告

彼已倍奮精力倘公文中更加鼎言尤作興之道也向  
熱萬萬加愛餘不具

復喬司馬先生問精舍狀

承問及精舍所在敢不敬復精舍在無錫城東南隅冉  
涇之上卽吾七世祖元處士容春府君舊居也傳二世  
別徙南塘居以漸圯繼而屬他姓弘治戊午某贖而復  
之四周為垣中為堂三間扁曰容春精舍容春者先世  
軒名也吾師涯翁先生嘗為之記正德壬申某侍養歸

自戶部稍加益焉奉母居之未幾別建于其西為堂寢  
於是某病初愈乃卽精舍靜坐飲藥暇則取古書哦誦  
自適客至輒以起居弗良謝不見不得謝或便服見於  
斯蓋自癸酉至今凡五年丙子春提學侍御張君汝立  
至見門之未有扁也遂大書曰二泉書院某謝不敏當  
乃用吾師篆書二泉精舍四字扁之末復署曰門生某  
立旣而張君又欲藉執事為吾重也於是乎有記之請  
精舍中為堂三間仍扁曰容春精舍吾師八分書前堂

五間中為厨二十度古今書籍萬餘卷扁曰泉齋吾師  
真書二堂之間為庭庭中立龜山石一左右植松四株  
梅二株竹數竿堂左直前門為燕居亭中懸仲尼燕居  
之像堂右為曲徑通家廟以達堂寢每晨興候吾母起  
居于寢出于堂謁家廟乃至燕居亭瞻謁先聖退就精  
舍蓋日例如此精舍門左為冉涇橋引弓河水自東來  
其西為陰渠通弦河惠泉及震澤時復注焉題其側曰  
源頭活水由橋至渠所凡數百步某久坐而困時野服



策杖游於其上雖在城市有山林之趣每見稱於野人云其在惠山則侍御徐君子謙重建李忠定祠因為予作講堂焉亦曰二泉精舍謹復

上林見素先生書

廷元提學南還曾奉狀起居計久徹左右矣茲輒有所瀆敝縣廟學自成化間脩建迄今幾六十年矣朽壤傾圯日甚一日有司者雖時有葺補僅以文應故而已抑且沮於無貲不能大有興作今年春提學張侍御鰲山

毀諸尼及女冠寺觀材石孔良田亦多美僉議佃賃某  
獨謂盍以脩學提學然之乃屬范同知澤專督成事顧  
茲盛舉必得名世大君子一言記之大書深刻垂示久  
遠且為他日郡邑志增重伏惟先生斯文山斗制作邁  
古不朽之託舍執事其誰哉王知府教實聞鄙言謹遣  
生員張瑤具書幣躬詣台府僭干下僕幸舉如椽之筆  
特撰記文一通付瑤賫回立石宮牆之下以慰官吏師  
生之望若愚劣倡議亦獲附名焉此尤竊計執事之能

念之而不待喋喋者惟執事圖之珤將行陳叅政至伏  
領教劄雅儀委以先祠記文某雖不敏敢不勉力謹附  
以知秋暑殊烈病餘覺困南望瞻企無任惓惓謹狀不  
宣

荅王郡公

近辱光顧因論及老母壽藏事遂有山中之請不意風  
雨奄至且有嫌避竟不果邀罪過罪過是日返舍懷仰  
盛德口占一詩方圖錄呈而使者猥臨敬捧手書詢及

名宦祠祀某生也晚於先正諸賢雖嘗粗涉志傳未及  
檢詳乃遽欲一一品詳以為去留之地不惟不敢亦有  
不能今若以志傳再加閱視有績而著者祠焉其止載  
姓名厯任者不與則於公論將亦無所愧矣至於近時  
諸公見存者不敢議亦未當議其已淪逝者成化以來  
惟聞劉侯鉦有孝廉之行華侯仲賢有詳慎之政姚侯  
文灝有好古愛民之心而孫侯仁有脩城之績與去任  
李侯嵩同此外非所敢知也惟廬陵周公忱以侍郎麻

城鄒公來學以副都御史三原王公恕以尚書莆田彭公韶以副都御史前後巡撫南畿皆有功德稱為名臣義當秩祀但數公位在八座九列奉命臨我郡邑今以時代與郡守貳並列而尸祝之於國朝體統無乃不可乎祠不以禮猶不祠也死者有知其誰享之明公以秋臺重望辱守敝邦下車以來凡理民訟首敦教化而以身先之晷月之間亦既風行四境矣茲復及此此固古君子之用心而不可與俗人言者也惟執事更以古籍

參之輿論折衷自己惟禮惟義成此盛舉某病且衰得  
及見焉亦豈非一大快哉數日困於秋暑賤體殊倦使  
者索報急謹此附聞春間聞申嚴鄉飲酒禮士論稱快  
而有司為邪人所挾竟亦無所釐革必欲得寔取縣官  
及年深將貢生員重甘結狀申達提學衙門其庶幾乎  
二事體類故敢僭及惟高明亮之謹狀不宣

荅侯職方

近施克和人便曾具狀起居計將達矣華琢還領手教

感慰無已即日審尊堂太夫人高壽樂康曷勝遙賀老  
母亦粗安賤體僅扶持過日趨走興拜強而未能別紙  
所諭二公愛我則有矣謂之知我尚未也如再言執事  
其必為我加沮遏之力乎九華石日靜對如執事在時  
聽松竹園直上僧人廚房之後已為老母卜壽藏蓋自  
執事臨行一言啓之因請江西熊山人者成之僧價五  
十之數秋來漸植松栢老母戒勿亟也此執事所欲聞  
敢報餘事不足言時事不敢言鄉里事不暇言也惟高

明亮之八月二十二日某再拜

與秦國英

某再拜狀上韋軒先生親家喪次昨聞令聞夫人之喪  
亟往吊焉時未改服未能成吊茲聞既改服矣顧區區  
病餘艱於拜凡喪皆未能吊於是又將缺焉而懼失禮  
也敢此為謝

諭秦汝

病可以廢禮不可以廢心齋戒內居飲藥保身時一往



與於奠不能拜不拜不能哭禮之變也

與施子羽


某復子羽文學世契足下辱示擬古之作燈下快讀數  
過知吾子好古之篤也好古而能誦其言者吾見之矣  
能為其言者蓋鮮能為其言者吾見之矣而能似之者  
尤鮮何者才識不足以副乎其志鮮固無足怪也而今  
乃見吾子之有是作也能無畏乎繼自今吾願吾子之  
求乎古人之心也言之而古也行之而古也吾所謂好

古之篤者又將於是乎在二詩皆有風致而語尤清麗  
秦城北斗一句居然杜法但魚書三川不識所謂耳適  
落新堂草草為復暇日相過當面盡之

與劉提學

姜生來致嘉惠再讀手書夙誼宛如且生述雅意甚勤  
且悉不敏何可當也鄉歸為老母非敢為高今病尚未  
復不起固自吾所所諭過矣悚愧悚愧生還附此為謝  
數年契濶之情千里傾注之思前書及道卿盡之茲不

再也兩浙文教望公深矣千萬留意十二月二十一日



容春堂後集卷十四